



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XXXV. Mira Ignatij in regendo prudentia & fiduciæ diuinæ consensio.

urn:nbn:de:hbz:466:1-10840

rara sit , potest tamen vtcumque suppleri de excellentia præstantis in ea prudentiæ exemplaris. Ad hoc qualem Ignatium fixerit , libri huius resumum narrabit.

XXXV. Atque illa imprimis quæ negotijs præmittebat , diligenter attendere , longum meditari , maturè prospicere , expendere singula , diu consulere ; argumenta sunt hominis solius prudentiæ dictata conjectantis : rei naturam examine serio intropiciebat , explorabat eorum genium quibuscum tractanda incidisset ; temporis opportunitatem , præsidia , offendicula , etiam remota & dubiat : adnotabat sub noctem quotidie , quæ essent postridie præstanta ; quibus vero eorum demandabat curam , suggerebat iisdem rei promouendæ , magno numero , adiumenta , atque consilia : apud se tamen grauiora quæque diu prius multumque versabat , quād ad aliorum examen referret . Nec ferre poterat , quos erat solitus Decretalitas vocitare , qui de quacumque re poneretur , pede in uno mox pronuntiarent in utramque partem . Ipse rerum euēta potius quam initia spectare ; in deliberandis , quid boni maius effent allaturæ ; in deliberatis quas ? unde ? quād graues , aut superabiles passuræ essent impugnationes , idque tam longinquæ prospectu cerne-re , vt ex montis altissimi edito , longe latèque ipse iacentia ; alij quamvis exquisitè prudentes , & cauendo docti , ex æquo tantum circumspicere viderentur : quād ob rem Lainius illum vehementissimè optarat interesse Patribus Tridentinis , vt qua pollebat in cœlo , gratiam , & sapientiam consulendi , ad tantæ molis negotia conferret , quanta in Synodo mouebantur , futurumque fuisse incredibili in iis auxilio . Mos illi non fuit quæ multum intererant , vbi essent decreta confessim operi mandare , nisi necessitas , aut occasionis articulus aliud cogeret : sinebat de iis iudicium dies aliquot interquiesceret , dehinc ad examen reducebatur ab ipso de-nuo , haud quidem tam illa quæ deliberarat , quam facta illorum delibera-tio , de qua vt absque priuati affectus suspicione iudicaret , quasi rem suscipiebat alienam censuræ suæ expositam . Quas autem de ea scribebat Epistolas , non dabat , nisi ter quater ad limam resumptas . Hic usus consulendi , ac ista præcipue futuri , tam longè perspicax , & veri præfaga præ-sensio , ad ea interdum iisque auxiliis succipienda inducebat , quæ abhor-rentem à sensu communi præferrent speciem , & minus oculatis cum re-cto pugnare viderentur ; vetum ex iis quæ consequebantur contra omnem illorum expectationem , palam siebat , ab eo qui vellet ex sapientiæ præ-scriptis agere , haud aliter consuli debuisse . Iam cum hac agendi tam consulta prouidentiæ ratione , prodigijs instar est tantam sui diffiden-tiam copulasse , animumque sic Deo subiectum , vt cum sua solius indu-stria & diligentia niti videretur , perinde se tamen Deo committeret , vt si nihil ipse penitus cogitando , atque agitando conferre ad negotium vale-ret . Quicquid enim iam fixum animo haberet , non ante in opus edere , quam multis precibus Deo commendasset ; communicata cum suis , & de-creta iam re , solitus addere , nocte in ultimum consilium daturam , hoc est , esse

esse cum Deo transtandam; confiendi præsidia quamlibet secura, & valida non prius adhibere, quam optati a Deo exitus fidem conceperet. Quare latos successus quibus obtinendis, nihil opis humanæ omiscerat velut ab ea penderent toti, habebat tamen, è cœlo gratuitos. Causis quin etiam momenti ad Dei obsequium maximi mouendis, principem censebat primamque prudentiam, ab humanæ prudentiæ timida, incertaque amissi, auertere aciem, & in iis nunquam felicius quam auris reflantibus nauigari, qua mentis persuasione ingentia opera, nulla humanitatis spe fretus suscepit, & per aduersarios, & infestissimos incursum in portum deduxit.

Accedebat his summum, in animi sui motus imperium, amorem potissimum, & iracundiarn; quibus quicquid inest severum, & come, ex nutu dispensabat meditata ad vnguem rationis, eo verborum, actionumque pondere, ac modo, quem rerum, & temporis, locorum, & hominum momenta poscebant. Serena, vt erat fronte, & animo cum Patribus colloquens, non raro contigit acciri ab eo aliquem obiurgatione serua emendandum, quo comparente totus ab eo qui erat iam alius, vultus grauitate, verborumque aculeis, videri ardere penitus, culpæ quam carpebat detestatione & odio; recedente mox reo, placidum oris resumere, & in ea quam seposuerat, intermissi sermonis tranquillitate pergere, detracta sibi quam sibi prætenderat, irati specie, tanquam larua, quæ vultus varios, immoto eidemque animo obducebat. Hinc illa etiam verborum moderatio, tam digesta & decens, vt ne in summo quidem reprehensionis acerbissima calore, indignantis extaret vlla vox, sed ex æquo, & bono singula pendens. Nunquam illi quempiam excidit, quantumuis exlegem; in compositum, immodestum, obliuiosum compellare, aut quod affine contemptui, & iniuriæ sonaret: tota erat reprehendendi vis, in deformitate admissi erroris, ad viuum oculis obiectanda, exaggerandaque capitibus ex Dei, peccantis, aliorumque offensa depromptis. Quare nolebat in iis qui præerant, animi motus, iræ potissimum, extinctos, planèque mortuos, sed probè domitos: quibus enim in dominibus sola vel naturæ vel arte quæsita dominatur, immota semper, & suda tranquillitas, illic dubio procul vitia nidulantur, vt iacente in mari Alcyones, sic Oliuerium Manareum de abdicando Rom. Collegio cogitantem, quod in eo regendo moueretur saepius indignatione, quam priuatus extinctam putarat; docuit haudquaquam ira omni carentum, sed eam, & alios eius adminiculo regendos. Eos tamen aut notæ probatæque virtutis; aut reos errati non leuis esse oportebat, quos ea quam dixi severitate obiurgandos, censeret Ignatius: de cætero enim rectores plurimum admonebat, cauerent ab asperitate qua suos ab se, aut facerent alieniores, aut iis suspecti fierent. Quasi forent personis potius quam earum lapsibus infensi: proin asperitatem, maxime in eos, qui essent imbecillæ virtutis, & suspiciosi, minime adhiberent, nisi hanc publici exempli aut necessitatis iuberet ratio, ne mali multo

XXXVI.

*Animi sui
motibus quæ
perfecte Ig-
natius impe-
raret.*

L I plus